



XALQ DEPUTATLARI FARG‘ONA VILOYATI DANG‘ARA TUMAN KENGASHI QARORI

2023 - yil 29 - dekabr

VI-86-126-11-155-K/23

Dang‘ara tuman hokimligi

Dang‘ara tumani 2024 yilgi mahalliy byudjetini tasdiqlash to‘g‘risida

O‘zbekiston Respublikasi “Mahalliy davlat hokimiyati to‘g‘risida”gi Qonunining 6, 24-moddalari, Byudjet kodeksining 27, 99-moddalari, “2024 yil uchun O‘zbekiston Respublikasining Davlat byudjeti to‘g‘risida”gi 2023-yil 25-dekabrda O‘RQ-886-son Qonuniga muvofiq hamda O‘zbekiston Respublikasi Hisob palatasining 2023-yil 7-noyabrda 02-1160-sonli, Xalq deputatlari Farg‘ona viloyati Kengashining 2023-yil 27-dekabrda 63-sessiyasi va Farg‘ona viloyati Iqtisodiyot va moliya bosh boshqarmasining 2023-yil 27-dekabrda 03/01-02-01-18/4610-sonli xatlarini inobatga olib, O‘zbekiston Respublikasining “Mahalliy davlat hokimiyati to‘g‘risida”gi Qonunining 6- va 24-moddalariga asosan xalq deputatlari Dang‘ara tuman Kengashi

QAROR QILADI:

1. O‘zbekiston Respublikasining “2024 yil uchun O‘zbekiston Respublikasining Davlat byudjeti to‘g‘risida”gi Qonuni rahbarlik va ijro uchun qabul qilinsin.

2. Mazkur Qonunga muvofiq, Dang‘ara tuman mahalliy byudjetining 2024 yilgi daromadlari **85 763,3 mln.so‘m** va xarajatlari **211 052,9 mln.so‘mga** ma‘lumot uchun qabul qilinganligi hamda viloyat byudjetidan ajratiladigan tartibga soluvchi budjetlararo transfertlar **125 289,6 mln.so‘m**, shundan aksiz solig‘i tushumlaridan ajratiladigan mablag‘lar **29 928,7 mln.so‘m** miqdorida tasdiqlanganligi inobatga olinsin.

3. Qonun bilan quyidagilar tegishli viloyat byudjetlaridan va tuman byudjetlaridan moliyalashtirilishi:

Tuman Soliq inspeksiyasini saqlash xarajatlari;

Sud boshqaruvchilarining mehnatiga haq to‘lash bilan bog‘liq xarajatlar.

Dang‘ara tumanining umumiy o‘rta ta‘lim tashkilotlari, maktabgacha ta‘lim tashkilotlari, sog‘liqni saqlash muassasalari qurilish (rekonstruksiya qilish), mukammal ta‘mirlash va jihozlashga, shuningdek sug‘oriladigan yerlarining meliorativ holatini yaxshilash tadbirlari doirasida ob‘ektlarni loyihalashtirish, qurish

(rekonstruksiya qilish), mukammal ta'mirlash hamda ta'mirlash ishlariga doir xarajatlar.

Quyidagi mahalliy byudjetdan moliyalashtirib kelinayotgan xarajatlar:

kam ta'minlangan oilalarga bolalar nafaqalarini va moddiy yordamlarni to'lash;

Shuningdek, Suv xo'jaligi bo'limi hamda irrigatsiya tizimlari havza bo'limlari huzuridagi nasos stansiyalarini saqlash xarajatlari;

O'zini-o'zi boshqarish organlari (mahallalar)ni nodavlat notijorat tashkilot va byudjetdan mablag' oluvchi sifatida saqlash xarajatlari viloyat hamda tuman byudjetidan moliyalashtirilishi belgilanganligi ma'lumot uchun qabul qilinsin.

4. Quyidagilar:

Dang'ara tumanining tuman mahalliy byudjeti daromadlarining 2024 yildagi asosiy prognoz ko'rsatkichlari **1-ilovaga**;

Dang'ara tuman mahalliy byudjeti xarajatlarining 2024 yildagi asosiy ko'rsatkichlari **2-ilovaga**;

Dang'ara tumani mahalliy byudjetiga umumdavlat soliqlaridan ajratmalar me'yorlari **3-ilovaga**;

5. Tumanning mahalliy byudjeti shaxsiy g'azna hisobvaraqlarida turgan byudjet mablag'larining 2024 yilda yo'l qo'yiladigan eng kam miqdori **836,0 mln. so'm** etib belgilansin.

6. Tumandagi qishloq xo'jaligi uchun mo'ljallanmagan yerlar uchun yuridik shaxslar bo'yicha mutloq miqdorda belgilangan bazaviy soliq stavkasiga kiritilayotgan kamaytiruvchi va oshiruvchi koeffitsientlar **4-ilovaga**,

Jismoniy shaxslar bo'yicha (dehqon xo'jaligini yuritish uchun berilgan qishloq xo'jaligiga mo'ljallagan yerlardan tashqari) mutloq miqdorda 1 kv.m. uchun belgilangan bazaviy soliq stavkalariga nisbatan kiritilayotgan kamaytiruvchi va oshiruvchi koeffitsientlar **5-ilovaga** hamda ko'chmas mulkka bo'lgan huquqlarni davlat ro'yxatidan o'tkazuvchi organlarda ro'yxatdan o'tkazilishi lozim bo'lgan binolar va inshootlarning 1 kv.m. uchun mutloq miqdorda belgilangan minimal qiymatga nisbatan kiritilayotgan kamaytiruvchi koeffitsientlar **6-ilovaga** muvofiq tasdiqlansin.

7. Tumanning mahalliy byudjeti zaxira jamg'armasi hajmi 2024-yil uchun **1 871,5 mln.so'm** miqdorida belgilansin.

Bunda,

Tuman mahalliy byudjetining 2024 yil uchun zaxira jamg'armalari tasdiqlangan umumiy xarajatlarining (bundan jamoatchilik fikri asosida shakllantiriladigan tadbirlarni moliyalashtirish mablag'lari mustasno) kamida 1,0 foizi miqdorida shakllantirilsin;

Tuman mahalliy byudjetining zaxira jamg'armalari mablag'larini Byudjet

kodeksining 73-moddasiga muvofiq, byudjet tizimi byudjetlari shakllantirilayotganda oldindan nazarda tutib bo'lmaydigan xarajatlarni, shuningdek ijtimoiy-iqtisodiy beqarorlik yuzaga kelgan vaziyatlarda amalga oshirilishi zarur bo'lgan tadbirlarni moliyalashtirish uchun ajratilishi ta'minlansin;

8. Qonun bilan xalq deputatlari Kengashini mahalliy byudjetlarni boshqarishda, xususan mahalliy byudjet xarajatlarini tuman byudjet mablag'lari taqsimlovchilar kesimida tasdiqlash va ularning Kengash oldidagi hisobdorligini belgilash bo'yicha vakolatlari kengaytirilganligi inobatga olinsin.

Shuningdek, 2024 yilda:

a) quyidagi soliq turlari va boshqa majburiy to'lovlar:

Yuridik shaxslardan olinadigan foyda solig'i;

qonun hujjatlarida belgilangan miqdorlarda davlat bojlari (patent boji va litsenziya berganlik uchun davlat bojlaridan tashqari);

ayrim tovarlarni chakana savdosiga beriladigan huquq uchun undiriladigan yig'imlar;

qonunchilikda belgilangan miqdorlarda O'zbekiston Respublikasining Davlat byudjetiga undiriladigan boshqa yig'imlar (bojxona organlari tomonidan undiriladigan yig'implardan, g'ildirakli transport vositalari, o'ziyurar mashinalar va ularning tirkamalari uchun undiriladigan utilizatsiya yig'imidan, shuningdek avtotransport vositalari oynalarining tusini o'zgartirishga (qoraytirishga) ruxsatnoma berish uchun to'lovdan tashqari);

qonun hujjatlarida belgilangan tartibda davlat byudjeti daromadiga o'tkaziladigan mol-mulk, mahalliy davlat hokimiyati organlarining aktivlari bo'yicha ajratmalar va dividendlar;

bo'sh turgan davlat mulki ob'ektlarini xususiy lashtirishdan tushgan tushumlar;

b) Quyidagi soliq turlari:

jismoniy shaxslardan olinadigan mol-mulk solig'i;

jismoniy shaxslardan olinadigan yer solig'i;

aylanmadan soliq;

yakka tartibdagi tadbirkorlar tomonidan to'lanadigan daromad solig'i;

davlat mulki bo'yicha ijara to'lovlaridan tushadigan tushumlar hamda boshqa tushumlar (*faqat 3 450 950 daromad kodi bo'yicha*) viloyat byudjetiga to'liqligicha o'tkazib beriladi.

9. Tuman hokimining moliya-iqtisodiyot va kambag'allikni qisqartirish masalalari bo'yicha birinchi o'rinbosari R.Akramov, tuman Iqtisodiyot va moliya bo'limi (K.Latipov), tuman soliq inspeksiyasi (A.Shamsiddinov)lar bilan birgalikda 2024-yil mahalliy byudjeti uchun belgilangan ko'rsatkichlarni o'z vaqtida va samarali bajarilishini ta'minlash choralari ko'rsin.

10. Belgilansinki:

barcha tumandagi mas'ul tashkilotlar tomonidan 2024-yilda byudjet mablag'laridan maqsadli va samarali foydalanish, byudjet intizomiga rioya etilishi ustidan nazorat va mas'uliyatni yanada kuchaytirish, tegishli mahalliy byudjetlarga soliqlar va boshqa majburiy to'lovlarning to'liq tushimini ta'minlash hamda byudjet daromadlar bazasini oshirish va qo'shimcha rezervlarni aniqlash zarurligiga alohida e'tibor qaratilsin.

11. Tuman soliq inspeksiyasi (A.Shamsiddinov) O'zbekiston Respublikasi Soliq kodeksida belgilangan vakolatlaridan kelib chiqib:

soliqlarning to'liq va to'g'ri hisoblanishini hamda ushbu soliqlarni o'z vaqtida byudjetga undirilishi ustidan soliq nazoratini o'rnatish;

yer solig'i, suv resurslaridan foydalanganlik uchun soliq va mol-mulk soliqlari bo'yicha doimiy tahlililar o'tkazgan holda, soliqlarni to'liq hisoblanishini ta'minlash hamda ushbu soliq to'lovlari bo'yicha soliq qarzdorligiga yo'l qo'ymaslik choralarini ko'rish;

aylanmadan soliq turi bo'yicha soliq to'lovchilar tomonidan naqd pul aylanmalarining soliq hisobotlarida to'liq aks ettirilishi ustidan doimiy soliq nazoratini o'rnatish hamda zarur hollarda xronometraj va kameral soliq nazorati tadbirlarini o'tkazish;

yer va mol-mulk solig'ining soliq bazasini oshirish, ya'ni xatlov ishlarini samarali va muntazam tashkil etib borish vazifalari yuklatilsin.

12. Majburiy ijro byurosi Dang'ara tuman bo'limi boshlig'i (Sh.Fayozov), tuman soliq inspeksiyasi (A.Shamsiddinov) bilan hamkorlikda soliqlar va boshqa majburiy to'lovlar bo'yicha mavjud soliq qarzdorliklarini byudjetga undirish yuzasidan tegishli choralar ko'rib borsinlar hamda choraklar yakuni bilan soliq qarzdorliklarining chorak boshiga nisbatan kamayib borishi bo'yicha barcha kompleks chora-tadbirlar ko'rish vazifasi yuklatilsin.

13. Tuman hokimining moliya-iqtisodiyot va kambag'allikni qisqartirish masalalari bo'yicha birinchi o'rinbosari R.Akramov, tumandagi tegishli tashkilotlar rahbarlari:

Byudjet daromadlari va xarajatlarning prognoz ko'rsatkichlari bajarilishini ta'minlash;

soliq bazasini kengaytirish hamda iqtisodiy salohiyatini oshirish yuzasidan zarur chora-tadbirlar belgilash, byudjet mablag'laridan maqsadli va samarali foydalanishi ustidan qat'iy nazorat o'rnatish;

tegishliligi ravishda hududiy byudjet mablag'lari taqsimlovchilarning byudjet mablag'laridan samarali foydalanilishi hamda erishilgan natijalari bo'yicha hisobotlarini xalq deputatlari tuman Kengashiga kiritib borilishini ta'minlasin.

14. Tumandagi mas'ul tashkilotlari mahalliy byudjet mablag'lari taqsimlovchilar har chorakda byudjet ma'lumotlarining ochiqqligini ta'minlash hamda byudjet shakllanishida va ijrosida jamoatchilik ishtirokini faollashtirish yuzasidan

tumanda muhokamalar va tushuntirish ishlarini muntazam ravishda olib borish choralari ko'rsin.

15. Tuman mahalliy byudjet mablag'larini taqsimlovchilar har yili 15 yanvar kuniga qadar byudjet mablag'larining samarali va maqsadli sarflanganligi, xarajatlarning amaliy natijalari yuzasidan yillik faoliyati to'g'risida tuman mahalliy Kengashga hisobot berib borsin.

Bunda, tumandagi byudjet mablag'larini taqsimlovchilar:

- o'z tasarrufidagi tizimda byudjet intizomiga amal qilinishi ustidan nazorat qilish;

o'zlarining va tasarrufidagi tashkilotlarning jamlanma xarajatlar smetasi va shtat jadvallari, xarajatlar smetasi va shtat jadvallari, jamlanma daromadlar va xarajatlar, daromadlar va xarajatlar smetalarining to'g'ri tuzilishi;

byudjetdan ajratilgan mablag'larning maqsadli sarflanishi va maqsadli indikatorlarning to'liq bajarilishi;

tasarrufidagi tizim tashkilotlariga byudjetdan ajratiladigan mablag'larning to'g'ri taqsimlanishi;

byudjetdan ajratilgan mablag'lardan maqsadli va samarali foydalanish, xususan ish haqi va unga tenglashtirilgan to'lovlar, oziq-ovqat, dori-darmon, kommunal xizmatlar va davlat dasturlari uchun belgilangan xarajatlar to'liq rejalashtirilishi va o'z vaqtida to'lanishi;

davriy jamlanma moliyaviy hisobotlar to'g'ri shakllantirilishi va o'z vaqtida taqdim etilishi uchun shaxsan mas'ul ekanliklari belgilab qo'yilsin.

16. Xalq deputatlari tuman Kengashiga:

mahalliy hokimlik, mas'ul tashkilotlar tomonidan 2024 yil uchun belgilangan byudjet daromadlari va xarajatlarning ko'rsatkichlarini bajarilishini ta'minlanishi, soliq bazasini kengaytirish hamda iqtisodiy salohiyatini oshirish yuzasidan zarur chora-tadbirlar ko'rilishi, byudjet mablag'laridan maqsadli va samarali foydalanishlari yuzasidan amalga oshirilayotgan ishlar ahvoli bo'yicha deputatlik nazoratini o'rnatsin.

17. Tuman hokimligi Axborot xizmati (U.Usmonov), Tuman soliq inspeksiyasi (A.Shamsiddinov), tuman Iqtisodiyot va moliya bo'limi (K.Latipov) bilan birgalikda tumandagi boshqa ommaviy axborot vositalarida, hokimlik muassisligidagi gazetaga Qonunda belgilangan ayrim soliqlar va to'lov stavkalari, soliq solish tartiblari hamda boshqa ma'lumotlarni e'lon qilinishi hamda tuman hokimligining rasmiy veb-saytlariga joylashtirilishini tashkil etsin.

18. Ushbu qaror rasmiy e'lon qilingan kundan boshlab kuchga kiradi.

19. Mazkur qaror bajarilishini nazorat qilish xalq deputatlari tuman Kengashining Mahalliy byudjetni shakllantirish va ijro etish, iqtisodiy islohotlarni amalga oshirish va tadbirkorlikni rivojlantirish masalalari doimiy komissiyasi (U.Turdiqulov) hamda tuman hokimining moliya-iqtisodiyot va kambag'allikni qisqartirish masalalari bo'yicha birinchi o'rinbosari (R.Akramov) zimmasiga

yuklatilsin.

Kengash raisi



Sh.Tojixakimov

Xalq deputatlari Dang'ara tuman
Kengashining
2023-yil 29-dekabrda
VI-86-126-11-155-K/23-son qaroriga
1-ilova

Dang'ara tumani mahalliy byudjetlarining daromadlari bo'yicha 2024 yil uchun BALANSI

ming.so'm

№	Daromadlar nomi	Dang'ara tumani
I.	Tartibga soluvchi daromadlar	28 198 500
1	Jismoniy shaxslardan olinadigan daromad solig'i	28 198 500
2	Yuridik shaxslardan olinadigan foyda solig'i	0
II.	Biriktirilgan daromadlar	57 564 800
	To'liq tuman mahalliy byudjetiga	39 274 000
1	Korxonalar aylanmasidan soliq	12 279 000
2	Yakka tartibdagi tadbirkorlar uchun jismoniy shaxslardan olinadigan daromad solig'i	1 020 000
3	Jismoniy shaxslarning mol-mulkiga solinadigan soliq	12 364 000
4	Jismoniy shaxslardan olinadigan yer solig'i	13 483 000
5	Davlat mulki bo'yicha ijara to'lovlari	128 000
	Viloyat va tuman mahalliy byudjetlari o'rtasida taqsimlanadigan daromadlar	18 290 800
1	Qurilish materiallari bo'yicha yer qaridan foydalanganlik uchun soliq	0
2	Yakuniy iste'molchilarga benzin, dizel yoqilg'isi va gaz realizatsiya qilishdagi aksiz solig'i	7 066 400
3	Yuridik shaxslarning mol-mulkiga solinadigan soliq	2 709 500
4	Yuridik shaxslardan undiriladigan yer solig'i	4 662 000
5	Suv resurslaridan foydalanganlik uchun soliq	1 620 000
6	Jarimalar	2 232 900
III.	Mahalliy byudjet daromadlari prognozi	85 763 300
IV.	Tartibga soluvchi budjetlararo munosabatlar	125 289 613
IV.	shundan, aksiz solig'i tushumlari hisobidan ajratiladigan mablag'lar	29 928 688

Xalq deputatlari Dang'ara tuman
Kengashining
2023-yil 29-dekabrda
VI-86-126-11-155-K/23-son qaroriga
2-ilova

Dang'ara tuman mahalliy byudjetining 2024 yildagi asosiy ko'rsatkichlari

		<i>ming so'm</i>
		Dang'ara tumani
	Xarajatlar - jami	211 052 913
1.	Ijtimoiy soha va aholini ijtimoiy qo'llab-quvvatlashga xarajatlar - jami	141 169 177
	<i>shu jumladan:</i>	
1.1	Maorif	43 639 167
	- maktabgacha ta'lim	29 169 298
	- umumiy ta'lim	14 469 869
1.2	Sog'liqni saqlash	90 841 730
1.3	Madaniyat	2 356 969
1.4	Sport	4 175 835
1.5	Ozodlikdan mahrum etish jazosini o'tab bo'lgan fuqarolarga «dastlabki ijtimoiy-moddiy yordam paketi»	16 400
1.6	Ijtimoiy ko'nikma markazlari	139 076
2.	Iqtisodiyotga xarajatlar	22 463 420
	<i>shu jumladan:</i>	
2.1	Ichki xo'jalik avtomobil yo'llarni ta'mirlash xarajatlari	4 000 000
2.2	Obodonlashtirish	12 227 592
2.3	Suv xo'jaligi vazirligi tashkilotlari	2 324 927
2.4	Fermerlar buxgaltenriyasini saqlash xarajatlari	348 215
2.5	Veterinariya qo'mitasi	1 806 787

2.6	"Mahalla byudjeti" jamg'armasi mablag'lari	1 755 899
3.	Davlat boshqaruv organlarini saqlash	23 524 121
4.	Zahira jamg'armasi	1 871 567
5.	Fuqarolar tashabbusi jamg'armasi	22 024 628

Xalq deputatlari Dang'ara tuman
Kengashining
2023-yil 29-dekabrda
VI-86-126-11-155-K/23-son qaroriga
3-ilova

2024 yil uchun byudjet daromadlarining mahalliy byudjetlar o'rtasida taqsimlanishi bo'yicha ajratma me'yorlari

T/R	Daromad turlari	Foiz hisobida
1	Korxonalar aylanmasidan soliq	100
2	Jismoniy shaxslardan olinadigan daromad solig'i	50
3	Yakka tartibdagi tadbirkorlar to'laydigan jismoniy shaxslardan olinadigan daromad solig'i	100
4	Yuridik shaxslardan undiriladigan foyda solig'i	0
5	Benzin, dizel yoqilg'isi va gazni yakuniy iste'molchilarga realizatsiya qilishdagi aksiz soliq	20
6	Jismoniy shaxslar mol-mulkiga solinadigan soliq	100
7	Jismoniy shaxslardan yer solig'i	100
8	Qurilish materiallari bo'yicha yer qa'ridan foydalanganlik uchun soliq	50
9	Davlat mulki bo'yicha ijara to'lovlari	100
10	Suv resurslaridan foydalanganlik uchun soliq	50
11	Yuridik shaxslar yer solig'i	50
12	Yuridik shaxslarning mol-mulkiga solinadigan soliq	50
13	Jarimalar	30
14	Boshqa tushumlar (Faqat 3 450 950 daromad kodi bo'yicha)*	100

Xalq deputatlari Dang'ara tuman
Kengashining
2023-yil 29-dekabrda
VI-86-126-11-155-K/23-son qaroriga
4-ilova

**Qishloq xo'jaligi uchun mo'ljallanmagan yerlar uchun yuridik shaxslar
bo'yicha mutloq miqdorda belgilangan bazaviy soliq stavkasiga kiritilayotgan
kamaytiruvchi va oshiruvchi koeffitsientlar**

			ming so'mda
T/r	Hudud nomi	Koeffitsient (0,5 dan 2 gacha)	Yer solig'i stavkasi 2024 yil uchun (ming.so'm)
1	Dang'ara tumani	0,90	33 300,0

Izox: Dang'ara tumani Kengashi tomonidan yuridik shaxslar uchun yer solig'i stavkasini mahalla fuqarolar yig'inlari kesimida tumandagi uzoq-yaqinligiga qarab, 0,7-3,0 kamaytiruvchi va ko'paytiruvchi koeffitsientlarni belgilash huquqiga ega.

Xalq deputatlari Dang'ara tuman
Kengashining
2023-yil 29-dekabrda
VI-86-126-11-155-K/23-son qaroriga
5-ilova

**Jismoniy shaxslar bo'yicha (dehqon xo'jaligini yuritish uchun berilgan qishloq
xo'jaligiga mo'ljallagan yerlardan tashqari) mutloq miqdorda
1 kv.m. uchun belgilangan bazaviy soliq stavkalariga nisbatan kiritilayotgan
kamaytiruvchi va oshiruvchi koeffitsientlar**

			so'mda
T/r	Hudud nomi	Koeffitsient (0,5 dan 2 gacha)	Yer solig'i stavkasi 2024 yil uchun (so'm)
1	Dang'ara tumani	0,95	316,0

Izox: tuman Kengashi tomonidan jismoniy shaxslar uchun yer solig'i stavkasini mahalla fuqarolar yig'inlari kesimida tumandagi uzoq-yaqinligiga qarab, 0,7-3,0 kamaytiruvchi va ko'paytiruvchi koeffitsientlarni belgilash huquqiga ega.

Xalq deputatlari Dang'ara tuman
Kengashining
2023-yil 29-dekabrda
VI-86-126-11-155-K/23-son qaroriga
6-ilova

Ko'chmas mulkka bo'lgan huquqlarni davlat ro'yxatidan o'tkazish o'tkazuvchi organlarda ro'yxatdan o'tkazilishi lozim bo'lgan binolar va inshootlarning 1 kv.m. uchun mutlaq miqdorda belgilangan minimal qiymatga nisbatan kiritilayotgan kamaytiruvchi koeffitsientlar

T/r	Hudud nomi	Koeffitsient (0,5 dan)	Minimal miqdor 2024 yil uchun (ming.so'm)
1	Dang'ara tumani	0,85	1 020,0